

陸雲傳

唐太宗御撰

陸雲字士龍六歲能屬文性清正有才理少與兄機
齊名雖文章不及機而持論過之號曰二陸幼時吳
尚書廣陵閔鴻見而竒之曰此兒若非龍駒當是鳳
雛後舉雲賢良時年十六吳平入洛機初詣張華華
問雲何在機曰雲有笑疾未敢自見俄而雲至華爲
人多姿制又好帛繩纏鬚雲見而大笑不能自已先
是嘗著縑經上船於水中顧見其影因大笑落水人
救獲免雲與荀隱素未相識嘗會華坐華曰今日相

遇可勿爲常談雲因抗手曰雲間陸士龍隱曰日下
荀鳴鶴鳴鶴隱字也雲又曰旣開青雲覩白雉何不
張爾弓挾爾矢隱曰本謂是雲龍駢駢乃是山鹿野
麋獸微弓強是以發遲華撫手大笑刺史周浚召爲
從事謂人曰陸士龍當今之顏子也俄而公府掾爲
太子舍人出補浚儀令縣居都會之要名爲難理雲
到官肅然下不能欺市無二價人有見殺者主名不
立雲錄其妻而無所問十許日遣出密令人隨後謂
曰其去不出十里當有男子候之與語便縛來旣而

果然問之具服云與此妻通共殺其夫聞妻得出欲

與語憚近縣故遠相要候於是一縣稱其神明郡守

害其能屢譴責之雲乃去官百姓追思之圖畫形象

配食縣社尋拜吳王晏令中令晏於西園大營第室

雲上書曰云時晏信任部將使覆察諸官錢帛雲又

陳曰云雲愛才好士多所貢達移書太常府薦同郡

張瞻曰云入爲尚書郎侍御史太子中舍人中書侍

郎成都王穎表爲清河內史穎將討齊王問以雲爲

前鋒都督會罔誅轉大將軍右司馬穎晚節政衰雲

屢以正言忤旨孟玖欲用其父爲邯鄲令左長史盧志等並阿意從之而雲固執不許曰此縣皆公府掾資豈有黃門父居之邪玖深忿怨張昌爲亂穎上雲爲使持節大都督前鋒將軍以討昌會伐長沙王乃止機之敗也并收雲穎官屬江統蔡克棗嵩等上疏曰統等聞人主聖明臣下盡規苟有所懷不敢不獻昨聞敎以陸機後失軍期師徒敗績以法加刑莫不謂當誠足以肅齊三軍威示遠近所謂一人受戮天下知誠者也且聞重敎以機圖爲反逆應加族誅未知本末者莫不疑惑夫爵人於朝與衆共之刑人於市與衆棄之惟刑之恤古人所慎今明公興舉義兵以除國難四海同心雲合響應罪人之命懸於漏刻泰平之期不旦則夕矣機兄弟並蒙拔擢俱受重任不當背罔極之恩而何垂亡之寇去泰山之安而起累卵之危也直以機計慮淺近不能董攝群帥致果殺敵進退之間事有疑似故令聖鑒未察其實耳刑誅事大言機有反逆之徵宜令王粹牽秀檢校其事令事驗顯然暴之萬姓然後加雲等之誅未足爲晚

今此舉措實爲太重得則足令天下情服失則必使
四方心離不可不令審諦不可不令詳慎統等區區
非爲陸雲請一身之命實慮此舉有得失之機敢竭
愚懇以備誹謗穎不納統等重請穎遲迴者三日盧
志文曰昔趙王殺中護軍趙浚赦其子驥驥詣明公
而擊趙即前事也蔡克入至穎前叩頭流血曰雲爲
孟玖所怨遠近莫不聞今果見殺罪無彰驗將令羣
心疑惑竊爲明公惜之僚屬隨克入者數十人流涕
固請穎惻然有宥雲色孟玖扶穎入催令殺雲時年

四十二有二女無男門生故吏迎喪塋清河修墓立
碑四時祠祭所著文章三百四十九篇又撰新書十
篇並行於世初雲嘗行逗宿故人家夜暗迷路莫知
所從忽望草中有火光於是趣之至一家便寄宿見
一年少美風姿共談老子辭致深遠向曉辭去行十
許里至故人家云此數十里中無人所雲意始悟却
尋昨宿處乃王弼冢雲本無玄學自此談老殊進雲
弟耽爲平東祭酒亦有清譽與雲同遇害大將軍叅
軍孫惠與淮南內史朱誕書曰不意三陸相攜闇朝

一旦湮滅道業淪喪痛酷之深荼毒難言國喪僞望
悲豈一人其爲州里所痛悼如此後東海王越討穎
多傲三下亦以機雲兄弟枉害罪狀穎云

陸士龍文集目錄

卷一

賦箴

逸民賦

逸民箴

歲暮賦

愁霖賦

喜霽賦

登臺賦

南征賦

寒蟬賦

卷二

詩

四言失題

前八章
後六章

征西大將軍京陵王公會射堂皇太子見命

作此詩

大將軍宴會被命作此詩

太尉王公以九錫命大將軍讓公將還京邑

祖餞贈此詩

大安二年夏四月大將軍出祖王羊二公於

城南堂皇被命作此詩

贈顧驃騎後二首

從事中郎張彥明為中護軍

贈汲郡太守

卷三

詩

兄平原贈

卷之二
目錄
二
答

贈鄭曼季往返八首

鄭荅

陸贈

鄭荅

陸贈

鄭荅

陸贈

鄭荅

贈顧尚書

贈顧彥先

荅顧秀才

荅大將軍祭酒顧令文

荅吳王

顧處微

贈鄱陽府君張仲膺

孫顯世贈

荅

失題二首

卷四

詩

答兄平原二首

為顧彥先贈婦四首

答張士然一首

芙蓉

嘯

卷五

吳故丞相陸公誄

晉故散騎常侍陸府君誄

晉故豫章內史夏府君誄

卷六

頌

登遐頌

盛德頌

祖考頌

張二侯頌

榮啓期讚

嘲褚當侍

牛責季友

卷七

騷

九愍

修身

涉江

悲郢

行吟

紆思

考志

感逝

征

卷八

與平原書

卷九

啓

國啓西國第表啓

西園第既成有司啓

王即位未見賓客羣臣又未講啓

與駕比出啓

言事者啓使部曲將司馬給事覆校諸官財

用出入啓

國人兵多不法啓

卷十

書集

與朱光祿書

與張光祿書

與嚴宛陵書

嚴宛陵答

與戴季甫書 七首

與楊彥明書 七首

與陸典書書 七首

附車茂安書

答車茂安書

車茂安又答書

陸士龍集卷第一
弔陳永長書 五首

弔陳伯華書 二首

移書太常府薦張瞻

陸士龍文集卷第一

晉清河內史 晉 吳郡陸雲著龍

明新安汪士賢校

賦箴 歲暮賦 逸民賦 南征賦

逸民賦 并序

登臺賦 寒潭賦

富與貴人之所欲也而古之逸民或輕天下細萬物而欲專一丘之歡擅一壑之美豈不以身勝於宇宙而恬貴於紛華者哉故天地不易其樂萬物不干其心然後可以妙有生之極享無疆之休也乃為賦云

世有逸民兮栖遲

於一丘委天刑之外心兮淡浩

然其何求陋此世之險隘兮又安足以盤遊杖短策

而遂往兮乃枕石而漱流載營抱魄懷元執一傲物

思寧妙世自逸靜芬響於永言滅絕景於無質相荒

土而卜居度山河而考室曾丘翳莽穹谷重深鼓木

振穎葛藟垂陰潛魚泳沚嚶鳥來吟仍疏圃於芝薄

兮卽蘭堂於芳林靡炎飈以赴節兮揮天籟而興音

假樂器於神造兮詠幽人於鳴琴挹廻源於別沼兮

食秋菊於高岑蒙玉泉以濯髮兮臨濬谷而投簪寂

然尸居儼焉山立遵渚龍見在林鳳戢遁綿野以宇

心望空巖而凱入明發悟歌有懷在昔賓濮水之清

淵兮儀磻溪之一壑毒萬物之誼譁兮聊漁釣於此

澤爾乃薄言容與式宴盤桓朝挹芳露夕玩幽蘭眇

區外而放志兮眷天路而怡顏望靈嶽之清景兮想

佳人於雲端悲滄浪之濁波兮詠芳池之清瀾鄙終

南之辱節兮躋伯陽之考槃眇清霄以寄傲兮泝凌

風而頽歎玄微載晏何思何欲漂若行雲之浮泊若

窮林之木谷有得之必喪兮蓋居龐之名辱彼貪夫

陸士龍集卷一
之死權兮固遺生以要祿竦戰兢而履冰兮祗肅懷
以臨谷亮據鼎之無慄兮在顛沛其必渥是故夫形
魂者徵咎體壯者爲犧雖明文而龍藻兮終俛首而
受羈立修名於禍始兮登全生於戾階資朝華之促
節兮抱千載之長懷擠考終於遠期兮顛靈根而自
摧殉有喪之假樂方無身其孰哀美達人之玄覽兮
邈藏器於無爲物有自遺道無不可萬殊有同齊物
無寡並家於國等朝于野榮在此而貴身兮神居形
而忘我欽妙古之達言兮信懷莊而悅賈憎旣明於

天爵兮何於人禍陋國風之皇恤同明哲於大雅
亂日乘白駒兮皎皎遊穹谷兮藹藹尋峻路兮崢嶸
臨芳水兮攸齋槃丘園兮暇豫翳翠葉兮重蓋瞻洪
崖兮清輝洽容與兮雲際欲凌霄兮從之恨穹天兮
未泰誅歡友兮清唱和爾音兮此世

○○○
逸民箴

余昔爲逸民賦大將軍掾何道彥大府之後才也作
反逸民賦盛稱官人之美寵祿之華靡偉名位之大
寶斐然其可觀也夫名者實之賓位者物之寄窮高

有必顛之吝溢美有大惡之尤可不慎哉故爲逸民箴以戒反正焉

浩浩太素制爲兩儀經始君臣朝有俊弼野有逸民各有攸屆而後品物有倫在昔后帝齊物達觀賞不假爵教不示勸號謚莫設而生黎淳晏降迄中古黃象可觀而唐文有煥乃彫乃藻大樸旣散樸之旣散萬百熙心形爲寵放神爲利淫有翹者車命彼在林是故懷王喪寶而被褐解襟恬亡智生與世或競匪智無鑒匪心伊鏡芒芒禹迹鞠爲塗徑惟是每懷備

彼及正正反於靈旣尸于祿相協厥居而豐其屋祿之旣尸刑爲爾司屋之旣豐喪家于宮故非據之災戒之在凶人皆知存之爲存而莫知得之爲喪榮猶振穎墜若頽荒咎自專寵福在循牆是故保其安者常危而忘其存者不亡無休爾榮身寔親名無謂爾崇神期好冲戒彼覆餗冒此棟隆慎微如顯乃保身以終自古在昔逸民有作相彼宇宙方之委鳥夫豈無不休而好是冲漠是故名利之災至人攸恪謂予未信無寧監于桑霍天明旣畏神道無親善在求已

慶由積仁無念爾本聿修厥淳執盈如虛乃反天真
逸民司正敢告官人

歲暮賦 并序

余祇役京邑載離永久永寧二年春忝寵北郡其夏
又轉大將軍右司馬於鄴都自去故鄉荏苒六年惟
姑與妹仍見背棄銜痛萬里哀思傷毒而日月逝速
歲聿云暮感萬物之既改瞻天地而傷懷乃作賦以
言情焉

夫何乾行之變通兮昏明迭而載路美飛轡之遠御
兮騰六龍於天步時赴節而漸流兮氣移數而改度
揮促節於短日兮振修策於長夜運攸忽其既周兮
歲冉冉而告暮變棘心之柔風兮滋豐草之湛露玄
暉邈以峻服兮黃裳皓而振素於是顓頊御時玄冥
統官天廟既底日月貞觀淪重陽於潛戶兮嚴徵積
陰於司寒日回天以滅景兮飈衝淵而無瀾堅冰涸
於川底兮白雪隕於雲端普區宇之瘁景兮頻萬物
之衰顏時稟戾其可悲兮氣蕭索而傷心淒風愴其
鳴條兮落葉翻而灑林獸藏丘而絕迹兮鳥攀木而

栖音山振枯於魯嶺兮民懷慘於重襟寒與暑其代
謝今年冉冉其將老豐顏曄而朝兮玄髮粲其夕皓
感芳華之志學兮悲時暮而難考遠圖逝而辭懷兮
密思集而盈抱美厚德之溥載兮嘉豐化之大造恨
盛來之苦晏兮悲衰至之常蚤指晞露而怵心兮衍
死生於靡草蒙時來之嘉運兮遊上京而凱入委乘
輅於紫宮兮剖金虎而底邑憑台光之發暉兮荷寵
靈而來集望故疇之迥遼兮沂南風而頽泣長歎息
而未懷兮感逝物而傷悲哀年歲之攸往兮伊行人
之思歸結隆思於朝日兮綴未念於紀暉表寸陰而
貞吝兮矜盈尺其若遺嗟我行之久未兮何歸途之
芒芒懋遵渚於川攸逝兮江湘處孝敬於神丘兮
結祇慕於帷桑瞻山川而物存兮思六親而人亡問
仁姑而背世兮及伯姊而淪喪尋餘蹤於空宇兮想
絕景於遺堂悲山林之杳藹兮痛華構之丘荒靖深
情以遐慕兮思纏綿而懷楚涕垂頤以交頽兮哀凌
心而洞駭神尋路而窘逝兮形嘖蹙乎其所心悠悠
其若懸兮音旣絕而復舉悲人生之有終兮何天造

而罔極仰悲谷之方中兮顧懸車而日昃百年迅於
 分噓兮千歲疾於一息詠大椿之萬祀兮同蟪蛄於
 未識歲難停而易逝兮情艱多而泰寡年有來而棄
 子兮時無算而非我祇生心於日順兮雖呼翁其難
 假攝僂生於逆旅兮欲淹留其焉可彼鑒寐之有時
 兮亦始卒之固然舒遠懷於千載兮悵同感乎中山
 鑒通人之炯戒兮懼晏平之達言啓貞心以自買兮
 覽遺籍而問道亮爽鳩之既徂兮故營丘之有紹在
 吾儕之陋心兮豈取樂於東表苟長生而自得兮將
 奚待而有天考大德於天地兮知斯言之益矯

愁霖賦

永寧三年夏六月鄴都大霖旬有奇日稼穡沉湮生
 民愁瘁時文雅之士煥然並作同僚見命乃作賦曰
 在朱明之季月兮反極陽於重陰與介丘之膚寸兮
 墜雲而洪沉谷風扇而攸遂兮苦雨播而成淫天
 決溝以懷慘兮民嘖感而愁霖於是天地發揮陰陽
 交烈萬物混而同波兮玄黃浩其無質雷憑虛以振
 庭兮電凌牖而輝室雷鼎沸以駿奔兮潦風驅而競

字奉曰字是前
 照別賦武應易
 志

疾豈南山之暴濟兮將冥海之斲溢隱隱填填若降
自天高岸渙其無涯兮平原蕩而爲淵遵渚回於凌
河兮黍稷什於中田匱多稼於億廩兮虛風敬於祈
年外薄郊甸內荒都城陰無晞景雷無輟聲織波靡
於前途兮微津隔於峻庭紛雲擾而霧塞兮漫天頽
而地盈於是愁音比屋歎發屢省陽堂之暉朗室無
景望曾雲之萬仞兮想白日之寸脛感虛無而思深
兮對寂寞而言靖毒甚雨之未晞兮悲夏日之方永
瞻大辰以頽息兮仰天衢而引領愁情沉疾明發哀

吟未言有懷感物傷心結南枝之舊思兮詠莊鳥之
遺音羨弁彼之歸飛兮寄予思乎江陰聊天末以流
目兮涕潏潏而沾襟何人生之倏忽痛存亡之無期
方千歲於天壤兮吾固已陋夫靈龜矧百年之促節
兮又莫登乎期頤哀戚容之易感兮悲懼顏之難怡
考傷懷於衆苦兮愁豈霖之足悲雲曇曇而疊結之
兮雨浮浮而未散晞朱陽於崇朝兮悲此日之屢晏
劾豐隆於岳陽兮執赤松於神館命雲師以藏用兮
繼乘龍於河漢昭濛汜之清暉兮炳扶桑之始旦考

幽明於人神兮妙萬物以達觀

喜霽賦

余既作愁霖賦雨亦霽昔魏之文士又作喜霽賦聊
則作者之末而作是賦焉

毒霖雨之掩時兮情懷憤而無懌肅有禱於人謀兮
反極陰于天律靖屏翳之洪噤兮戢大山之觸石凌
風絕而謐寧兮歸雲反而揮霍改望舒之離畢兮曜
六龍於紫閣揚天步之剡剡兮播靈輝之赫奕於是
朱明白皓凱風來南復火正之舊司兮黜后土於重

陰夷中原之多潦兮反高岸於嵩岑萎禾竦而振頹
兮偃木豎而成林嘉大田之未墜兮幸神祇之有歆
爾乃俯順習坎仰熾里離兼明暢而天地曄兮羣生
悅而萬物齊魚凌淵以增躍兮鳥林而朝濟戢流
波於枉水兮起芳塵於沉泥朱光播於甕牖兮素景
行乎中閨天監作照幽明畢覲普厥有懽單及四國
翕萬情而成喜兮雖無獲而自得災未及周和斯有
祥翼翼黍稷油油稻糧望有年於自古兮晞隆周之
萬箱原思悅於蓬戶兮孤竹欣於首陽陰陽交泰萬

物方道炎神送暑素靈迎秋四時逝而代謝兮大火
忽其西流年冉冉其易頽兮時靡靡而難留嗟沉哀
之愁思兮瞻日月而增憂感年華之行暮兮思乘煙
而遠遊命海若以量津兮吾欲往乎瀛洲臨儀天之
大川兮凌懷山之洪波瞻增城之峻極兮仰蓬萊之
峩峩望王母於弱水兮詠白雲之清歌雖嘉命之未
錫兮將輕舉於流沙振仙車之鳴鸞兮吐玉衡之八
和託芝蓋之後乘兮飡瓊林之朝華修無窮以容與
兮豈萬載之足多

登臺賦

永寧中參大府之佐於鄴都以時事巡行鄴官三臺
登高有感因以言崇替迺作賦云

承后皇之嘉惠兮翼聖宰之威靈肅言而述業兮乃
啓行乎北京巡華室以周流兮登崇臺而上征攀凌
坻而遂躋兮迄雲閣而少寧爾乃佇眄瑤軒滿目綺
寮中原方華綠葉振翹嘉生民之疊疊兮望天畧之
蒼蒼歷王階而容與兮步蘭堂以逍遙蒙紫庭之芳
塵兮駭洞房之迴飈頽嚮逝而迂物兮傾冠舉而凌

霄曲房榮而窈眇兮長廊邈而蕭條於是迥路季夷
 邃宇玄芒深堂百室曾臺千房闢南牕而蒙暑兮啓
 朔牖而履霜遊陽堂而冬温兮步陰房而夏涼萬禽
 委蛇於潛室兮驚鳳矯翼而來翔紛譎譎於有象兮
 邈攸忽而無方于時南征司火朱明鬱遂縣車式徐
 曜靈西隊暑乘陰而增炎兮景望淵而曖昧玩瓊宇
 而情厭兮覽人方而思銳陋雨館之常規兮鄙鳴鵠
 之蔽第仰凌駟於天庭兮俛旁觀乎萬類北溟浩以
 揚波兮青林邈其興蔚扶桑細於毫末兮崑崙卑平

卯印字誤

覆貴於是忽焉俛仰面天地既必宇宙同區萬物為
 一原于變之常鈞兮齊億載於今日彼區中之側陋
 今非吾黨之一室本違觀於無形兮今何求而有質
 於是聊樂近遊薄言儂佯朝登金虎夕步文昌綺疏
 列於東序朱戶立乎西廂經蕤擘以披藻兮椒塗馥
 而遺芳感舊物之感存兮悲昔人之云亡憑虛檻而
 遠想兮審歷命於斯堂於是精疲遊倦白日藏輝鄙
 春登之有情兮惡荆臺之忘歸聊弭節而駕言兮悵
 將逝而徘徊感崇替之靡常兮悟廢興而永懷隆期

啓而雲升逝運靡其如頽長發惟祥天鑒在晉肅有
命而龍飛兮跼重斯而肇建嘉有魏之欽若兮鑒二
符而告禪清文昌之離宮兮虛紫微而爲獻委普天
之光宅兮質率土之黎彥欽哉皇之承天集北顧於
乃眷誕洪祚之遠期兮則斯年於有萬

南征賦

并序

太安二年秋八月奸臣年玄之皇甫商敢行稱亂
逼乘輿天子蒙塵于外自秋徂冬大將軍敷命群后
同恤社稷乃身統三軍以謀國難自義聲所及四海

之內朔漠之表蒸徒羸糧而請奮胡馬擬塞而思征
四方之會衆以百萬軍旅之盛威靈之著自古已來
未之有也粵十月軍次于朝歌講武洽戎以觀兵于
殷墟於是美義征之舉壯師徒之盛乃作南征賦以
揚匡霸之勲云爾

有皇晉之霸后資濬哲之睿獻聖崇文德於緝熙濟武

功而保定應天鑒之昭華荷帝祐之休命步王衡以
觀八方在旋璣而齊七政芒芒神道化洽崇深印戾
天飛俯洞淵沉振南箕以鼓物冒慶雲而崇蔭天

陸士龍集卷一
維以籠世廓宇宙而宅心濟博施之厚德鏗希聲之
大音淵澤回而泣注注豪彥萃而爲林九服惟清諸夏
謐靜肅慎回首沙漠引領天和時降地靈夙挺結芳
林之奇幹 珍禾之神穎勵修德於億兆端澄形於
萬景在中葉之不競遭皇家之毒亂悲國步之未夷
仰夙興而昧旦括無方而大誥集率土而貞觀致天
屬於王畿肅有征而省難爾乃建黃鉞之靈威樹戎
輅之高蓋伐隱天之雷鼓振凌霄之電旆介天揮戈
而夙興輕武總干而啓萬旅靈韶之嘈嘈飛旗旒之

藹藹虹旃沂風以委地霓旌蒙光而容裔八徒十萬
其會雲興悠悠華戎時罔丕承爾乃命解翳以夕降
式飛廉以朝升塗蒙雨而復清景帶天而光澄陪武
臣於彫軒列名僚於後乘猛將起而虎嘯商飈肅其
來應士憑威而嚮駭馬獻天而景凌臨川屯於廣陸
武騎被乎中陵類馮比京師徒經始相相先征在河
之涘順彼長道懸旌千里美王師之遵時茂七德而
發止爾乃稅駕殷墟我徒旣閑順時講武簿狩于原
紛同方而類聚煥副翼而明分祗明刑以誓衆習軍

政於舊聞儼山立以崇蒼粲煙駭而興紛若冥海之
 引回流岱靈之吐行雲于時玄冬首時陰風或煞山
 澤含哀天地肅又閑夜列以澄清中原曠而曖昧戎
 士肅而咸戒三軍紛而雜還長角哀叫以命旅金鼓
 隱訇而啓伐景凌冥而四播音乘雲而上逝火烈具
 舉伐鼓淵淵朱光俛而丹野炎暉仰而絳天曜靈翕
 赫以增熾憤氣拂悅而凌煙狂飈起而妄駭行雲藹
 而千眠旌旆翻其猗靡驚燦因而嬋娟爾乃洪音雷
 漬問赴廣凌雲發揮萬里振響聲馮虛而天回烈

駭字與空字
 應有

駭而地蕩映皓月而望舒闇照重昏而大夜朗服縣
 炎揚而昇儵飛烽戢煜而泱泱乃有熊羆之旅虓闕
 之將雄聲泉涌逸氣風亮超三軍以奔厲賈餘勇而
 成壯兆洪音於寂漠先無形而高唱紛若屯雲渙若
 積波遁陰景靜言勿譁絕倡寂其既收萬夫翕而
 咸和嚴鼓隱而重戒景燧曄而星羅烈蒙陰而邛假
 曜憑陽而登遐若扶桑之振華葉皓天之散朝霞超
 燭龍之絕景豈比象於百華

寒蟬賦 并序

昔人稱雞有五德而作者賦焉至於寒蟬才齊其美
獨未之思而莫斯述夫頭上有綏則其文也含氣飲
露則其清也黍稷不食則其廉也處不巢居則其儉
也應候守節即其信也加冠冕取其容君子則其操
可以事君可以立身豈非至德之虫哉且攀木寒鳴
貧才所束空歎余昔僑處切有感焉興賦云爾

伊寒蟬之感運近嘉時以遊征含二儀之和氣稟乾
元之清靈體貞精之淑質吐呼吸之哀聲希慶雲以
優遊適太陰以自寧於是靈岳幽峻長林參差爰蟬

集止輕羽涉池清澈微激德音孔嘉承南風以軒景
附高松之二華黍稷惟馨而匪享身希陽乎靈和
唳乎其音翩乎其翔容麗蜩螗聲美宮商飈如飛焱
之遺驚風眇如輕雲之麗太陽華靈鳳之羽儀渚皇
都乎上京跨天路於萬里豈蒼蠅之尋常爾乃振修
綏以表首舒輕翅以迅朝華之隊露含煙煜以夕飡
望北林以鸞飛集樛木以龍蟠彰淵信於嚴時稟清
誠乎自然翩眇微妙綿蠻其形翔林附木一枝不盈
豈黃鳥之敢希唯鴻毛其猶輕憑綠葉之餘光哀秋

華之方零思鳳居以翹竦仰竚立而哀鳴若夫歲聿
 云暮上天其涼感運悲聲貧士含傷或歌我行未久
 或詠之子無裳原思嘆於蓬室孤竹吟於首陽不銜
 子以穢身不勤身以營巢志高於鳴鳩節妙乎鷓鴣
 附枯枝以求處何瓊林之迥脩惟雨雪之霏霏哀北
 風之飄颻既乃彫以金采圖我嘉容珍景耀爛曄曄
 華豐奇侔黼黻艷比衣龍清和明潔群動希蹤爾乃
 綴以空冕增成首飾纓綖翩紛九流容翼映華虫於
 朱袞表馨香乎明德於是公侯常伯乃紆紫黻執龍
 淵俯鳴珮玉仰撫貂蟬袞黃廬之多士光帝皇之待
 人既騰儀像於雲闕望景曜乎通天邁休聲之五德
 豈鳴雞之獨珍聊振思於翰藻闡令問以長存於是
 貧居之士喟爾相與而俱嘆曰寒蟬哀鳴其聲也悲
 四時云暮臨河徘徊感北門之憂殷嘆卒歲之無衣
 望泰清之巍巍思希光而無階簡嘉蹤於皇心冠神
 景乎紫微詠清風以慷慨發哀歌以慰懷

宋板十三葉空六行

又校

陸士龍文集卷第一

宋板另集在卷末

二俊文集以慶元六年二月既望書成縣學職事
校正監刊者三負題名于后

縣學司計進士朱奎監刊

縣學直學進士孫垓校正

縣學學長鄉貢進士范公衮同校

陸士龍文集卷第二

晉清河內史晉吳郡陸雲著龍

明新安汪士賢校

詩

四言失題 前八章 後六章

悠悠縣象昭回太素清濁迭興升降度遺和既爽

季春告暮朱明來思青陽受煦 其一

其二

日征月盈天道變通大初陶物造化為功四月惟夏

其一奇字俱雅
宋本字數出入

四言大題
征西大將軍陸士龍
謝堂見太子見命
大將軍宴會後命
大尉王宏以元錫命
錢贈一百
大赦二年夏四月大赦
從事中郎張君明為
贈領驛騎後二首
贈領郡太守

字存前行世世
二字勇石八

南征觀方凱風有集飄飄南窓思樂萬物觀異知同

其其二

有奄萋萋甘雨未播黍稷方華中田多稼庭槐振藻
園桃阿薄言觀物在堂知化

其三

其四

蓬戶惟清玩物一室明發有懷念昔先哲通夢幽人
彷彿遺烈清暉在天孰與永日

其四

其五

乃啓遺籍思予大觀幽居傲物顧景怡顏况惟解舞

衡門重關思媚古人有懷良盤沉曦含輝芳烈如蘭

其六

其五

厥初生民有物有類自古有稱大寶以位征徒式好
俊奔攸遂啓予有聞誨爾達貴

其六

其七

達貴伊何天爵無榮渾大昧混其濁清毀方遁象

遺頑履貞道寶藏器景以昭形

其七

其八

芒芒陋世奚競奚錯牧彼紛華委之冲漠漂志垂天

字亦此首字橋不
尚存其六字空
字入詩下

矯心馮閣通好莊明儀形有作安得達人顧予命薄其八

其一

思樂芳林言采其菊衡薄遵塗中原有菽登彼修巒
在林寤宿彷彿佳人清顏如玉 其一

其二

予美亡此誰為適道容與俟之玄髮方皓躑躅山阿
玩此芳草願餐其穎庶以遺老 其二

其三

覺塵嘉時飄忽棄予有瞻逝深未嘆潛滄登願扶桑

仰結飛晷伊人匪存遺芳孰與 其三

其四

精氣為物或降或升徂落攸往神奇有登死生為徒
存亡曷勝謂予不信遺藉有徵 其四

其五

閒居外物靜言樂幽繩樞增結甕牖綢繆和神當春
清節為秋天地則爾戶庭已悠 其五

其六

嗟我懷人悠悠其潛念昔先烈有懷所欽駭情玩世

堂允南金瓊輝邈矣誰適為心明發興言慷慨芳林
征西大將軍京陵王公會射堂皇太子見命

作此詩

其芒大極玄化烟煜頽形成器凌象垂文大鈞造物
庶類群分先識經始實綜彝倫

其一

惟岳隆周生甫及申天監在晉祚之降神邈矣遐風
茂德有隣未言配命唯晉之鎮

其二

厥鎮伊何實幹心膂文教內輔武功外禦淮方未靖
帝曰攸序公于出征奄有南浦

其三

其四
南海既賔爰戢干戈桃林釋駕天馬婆娑象齒南金
來格皇家絕音協徽宇宙告和

其四

其五
玄綱峻極天罔既紘文武方升允茲兼弘我我高夏
有肅其涼公侯戾止駉驥龍驤善問如林在會鏘鏘

其六

其五

祝融銜節火正緝熙凱風徘徊萬物欣時秩秩初筵
薄言在茲嘉福介祐萬壽無期

其六

大將軍宴會被命作此詩

皇皇帝祐誕隆駿命四祖正家天祿保定叡哲惟晉
世有明聖如彼日月萬景攸正

其一

其二

魏魏明聖道隆自天則分明喪觀象洞玄凌風叶極
絕輝照淵肅雍往播福祿來臻

其二

其三

在晉刻臣稱亂紫微神風潛駭有赫茲威靈旗樹施
如電斯揮致天之屈于河之沂有命再集皇輿凱歸

其四

其三

頽綱既振品物咸秩神道見素遺華及質辰晷重光
協風應律函夏無塵海外有謚

其四

其五

其五字宙天地交秦王在華堂式宴嘉會玄輝峻朗
翠華崇藹冕弁振纓藻服垂帶

其五

其六

陸士龍集卷二
五
祁祁臣僚有來雍雍薄言載考承顏下風
仰瞻王容施已唯約于禮斯豐天錫難老如岳之崇
太尉王公以九錫命大將軍讓公將還京邑
祖餞贈此詩

列文辟公時惟哲王闡縱絕期平顯幽光內實慎微
緝熙有臧出紂方慝間督不揚高山峻極天造茫茫

其二

其一

天子念功大典光備肅肅王命宰臣莅事穆矣淵讓
遺功遂志思我遠猷德音孰嗣

其二

其三

后命既靈王人反旆興言出祖飲餞于邁旌旒泱泱
輶軒藹藹和風弭塵清暉映蓋

其三

其四

思樂中陵言觀其川公王戾止有車駉駉伊誰云饗
我有嘉賓羽觴舉酬酢爾征人

其四

其五

悠悠征人四牡駉駉發軔北京振策紫微昔乃云來
春林方輝歲亦暮止之子言歸道途興戀伏載稱

其六

聖澤既渥嘉會惜惜庭旅鍾鼓堂有瑟琴飛轡清暉
扶桑後陰親景祗慕揮袂沾襟變彼同栖悲爾異林
我有旨酒以歌以吟

其五

大安二年夏四月大將軍出祖王羊二公於
城南堂皇被命作此詩

其六

時文唯晉天祚有祥聖宰作弼受言既減有赫斯庸
勳格昊蒼景物台暉棟隆玉堂

其一

其二

惟常思庸大興光迺聖敬遠濟神道玄邈思媚三靈
誕膺天篤嘉命既辱王人言告

其二

其三

翼翼主人言告惟慕八輿駕言乃眷斯顧華旂飛藻
鳴鸞振路駢駢駟牡噓天載步

其三

其四

我有高夏如雲斯會彫軒戾止薄言嘉會問誰在宴
惟俊惟乂豐俎殷薦獻酬交泰

其四

其五

攸攸昊天南正興言朱明有暉萬葉羣繁昌雲垂天
凱風熙顏王臣在此貽宴于權

其五

其六

懸象西頽虞淵納景嘉樂未晞 駕已整行矣征人
身乖路永飛驂顧懷華蟬引領遺思北京結轡臺省

其六

贈顧驃騎後一首

有皇美祈陽也祈陽秉文之士駿發其聲故能明照
有吳入顯乎晉國人美之故作是詩焉

有皇大晉時文憲章規天有光矩地無疆神篤斯祐

本顯克昌載生之雋實惟祈陽哲開宣猷考茂其相

其二

其一

於鑠祈陽誕鍾天篤清輝龍見玄猷淵嘿沉機響駭
幽神廣覲和以同人歸物時育有人惡盈謙以自牧
思我懿範萬民來服

其二

其三

吳未喪師天秩有庸淵哉若人弱冠休風俯翼黃門
以德來忠端秀蕃后正色儲官徵音鑠穎邈矣遐踪

其四

其三

皇維南終舊邦匪歆委弁釋位如龍之潛考繁穹谷
假樂豐林子雖藏器鍾鼓有音惠風往敬慶間來聿

其五

其四

濟濟元公相惟天子明明辟王思隆多士帝曰欽哉
有命集止我咨四方令問在爾以朕大賚乃膺嘉祉
聿來胥步觀國之紀

其五

其六

惟皇建極緝熙清曜我有岐民明德來照大觀在上
主假有廟顯允顧生金聲玉振之子于升利見大人

龍輝絕跡有肅清塵

其六

其七

清塵旣彰朝虛好爵敬子侯度慎徽百辟予聞有命
德禮不易嗟我懷人瞻皇永錫豐祐東法注惟子之績

其八

其七

遵注法涉泗言告同征勁風宵烈湛露朝零雲垂藹下
泉冽清泠哀哉行人感物傷情從子京邑言觀厥成
天保祚德式穀以寧

其八

思文美祁陽也祁陽能明其德刑于寡妻以至于家

陸士龍集卷三
邦無思不服亦賴賢妃貞女以成其內教故作是詩
焉

思文祁陽祁陽克峻天錫淳嘏宣茲義問德音既烈
海外有奮既奮斯音祇敬厥德照治其家覃及邦國
永肇儀刑俾民惟則

其一

其二

文王在上大妣思齊魯侯克昌亦賴令妻鑒神有顧
蘋蘩在斯祁陽載天作之伉儷

其二

其三

在虞之胃實惟有姚頴艷王秀華茂桃夭居顯祇明
在靈格幽清塵州燦淑心綢繆爰及祁陽惟德之周

其三

其四

其德伊何和貞虔告師民履素言謀慮度鐘鼓思樂
靖端夙效考休攸嬪來嫁于顧

其四

其五

羔羊執贄玉帛有輝百兩集止之子于歸宗姻風從
娣姪雲回祁陽顧之煥其盈闈

其五

其六

既日歸止式揚好音言觀河洲有集于林思樂萬萬
薄采其蕈疾皮攸遂乃孚惠心

其六

其七

惠心既孚有恪中饋敦此衆斯永錫嗣類載延窈窕
用和寤寐神之聽之胤祚來爾

其七

其八

昔周之隆有妙如有內刑聖敬外崇多士今我淑人
賈亮君子亶亶翼翼亦繼斯祉宜爾子孫福祿盈止

從事中郎張彥明為中護軍

其八

奚世都為汲郡太守客將之官大將軍崇賢之德既
遠而厚下之恩又隆非此離析有感聖皇既蒙引見
又宴于後園感鹿鳴之宴樂詠魚藻之凱歌而作是
詩

其三

其一

濟濟多士實播令聞王曰欽哉余嘉乃勳徽音孔碩
惠爾風雲穆此芳烈肇揚清芬

其二

肅肅庶僚
衮服寵暉
肇被桃虫
假翼翻飛
出撫邦家
入翔紫微
有命既集
願言永違

其三

其四

思樂華堂
雲構崇基
公王有酒
薄言饗之
景曜徽莘
芳風詠時
宴爾賓儷
具樂于茲

其四

其五

豐豐我王
豐恩允臧
我客戾止
飲酒公堂
自彼下僚
聿來有光
悲矣永言
指塗逝將
彤違殿闈
景附草房

其六

其五

開國承家
勿用小人
今我聖宰
實蕃斯仁
凌淵龍躍
披林鳳振
正直既好
嘉禮陳振
我遠德歸
于時民

其六

贈汲郡太守

於穆皇晉
豪彥實蕃
天罔振維
有聖貞觀
鳴鳥在林
良駿卽閑
萃俊又時
亮庶官

其一

其二

抑抑奚生
天篤其淳
芳穎蘭揮
瓊光玉振
沉機照物
妙思考神
思我善問
觀德古人

其二

其三

善問伊何惠音孔韶肇允衡門翻飛宰朝肅雍芳林
芬響凌霄穆矣和風育爾清休

其三

其四

亦既有試出宰邦家之子于行民固謳歌風澄俗儉
化靜世波芒芒既庶且樂于和

其四

其五

我有好爵既成爾服入贊崇華遂登帷幄時文聖宰
天祚方穀朔風微止鴻漸雲嶽

其五

其六

悠悠斯民三代直道我求明德惟奚悠考緝熙暉章
天祿來保惠心無競豐化有造

其六

其七

樂只君子茂德攸綏嗟我懷人式是言歸聿言來集
如翼斯揮日予不惠照爾清暉

其七

其八

職思既殊亦各有司念我同僚悲爾異事之子之遠
悠悠我思雖無贈之歌以言志

其八

宋板九葉空五行

又校

